

*Congregabo reliquias gregis mei,
et suscitabo super eos pastores.*

Léctio libri Ieremíæ prophétæ

23, 1-6

- ¹ « **V**æ pastóribus, qui dispérdunt et díssipant gregem páscuæ meæ!, dicit Dóminus.
- ² Ideo hæc dicit Dóminus, Deus Israel, ad pastóres, qui pascent pópulum meum: Vos dissipástis gregem meum et eiecístis eos et non visitástis eos; ecce ego visitábo super vos malítiam óperum vestrórum, ait Dóminus.
- ³ Et ego congregábo reliquias gregis mei de ómnibus terris, ad quas eiécero eos, et convértam eos ad rura sua, et crescent et multiplicabúntur.
- ⁴ Et suscitábo super eos pastóres, et pascent eos; non formidábunt ultra et non pavébunt, et nullus quærétur ex número, dicit Dóminus.
- ⁵ Ecce dies véniunt, dicit Dóminus, et suscitábo David germen iustum; et regnábit rex et sápiens erit et fáciat iudícium et iustítiam in terra.
- ⁶ In diébus illis salvábitur Iuda, et Israel habitábit confidénter; et hoc est nomen, quod vocábunt eum: Dóminus iustítia nostra».

Verbum Dómini.